



'Quator Via Nova' bihar Angelun.

Mozarten musika eta erakusketa Angelun

L.E. / ANGELU

Mozarten heriotzaren bigarren mendeurrena dela eta, lehen ekitaldi garrantzitsua Angelun hasia da. Udal liburategian erakusketa bat ikusgai da eta gaur, Angelun, Via Nova Quatuor taldeak kontzertu bat emanen du.

Departamentuko musika administrazioak, ADAMPAk, 25 tauletan Salzburgeko seme famatuaren bizi-

tza konstatzen du. Mozarten urtea markatuko duten ekitaldi nagusietan, irailaren 4ean, Angelura etorriko da Salzburgeko 'Quatuor Mozartum'. Baionan, abenduaren 5ean Requiem aipatua emanen da eta iraileko musikaldietan 'Koronatzearen Meza'. Angelura Nova Quatuor dator gaur eta Udaletxeko areto nagusian Mozart, Ravel eta Bela Bartoken obrak eskainiko dituzte.

Bilbon bukatuko da Barandiaranen omenezko etnografia erakusketa

Z. ZAMAKOLA / BILBO

Madril, Gasteiz eta Donostian egon ondoren, Bilboko Etnografia museoan bukatuko da 'Gure Lehen urratsak', Barandiaranen omenez antolatutako erakusketa.

Erakusketa honek 1890-1990 urteetan zehar aurrehistoria alorrean izan diren aurkikuntzak biltzen ditu, tarte horretan Barandiaran ikertzaile ataundarrak ehun urte bete zituela eta «berak landu zuen eremu garrantzitsuetako baten garapena ikusteko», antolatzaileetako batek aditzera

eman zituen. Antolakuntza 'Iprava' etnografia taldeak egin du, Eusko Jaurlaritzaren diru laguntzaz. Gaiak, oster, Nafarroako Etnografia Museotik, Madrilgo Museo Nazionaletik, Gasteizko Etnografia Museotik, Donostiako San Telmo Museotik eta Sain Germain en Laye-ko museotik jasotakoak dira.

Erakusketak bitarteko modernoak erantsi ditu. «Alde garrantzitsuenak, objektuak, bideo, diaporamak eta informatika diru laguntzaile bezala, ikusketa errazteko», azaldu du Bilboko museoeko iturri batek.

Gipuzkoako aurrekulari gazteek bihar hasiko dute txapelketa Erreterian

Kanporaketaren ondoren, igandean txapelketaren finala jokatuko da

Gipuzkoako Aurrekulari Gazteen Txapelketa bostgarren aldiz jokatzen da aurten. Bihar kanporaketa egingo da. Partehartuko duten hirurogei haurretatik, hogeitamar, etzi jokatuko den finalera pasako dira. Landare elkarteak antolatutako txapelketa hau Erreterian pilotalekuan jokatuko da.

DONOSTIA

Bostgarren urtea da Landare elkarteak gaztetxoek mailako aurrekulari txapelketa paratzen duela. Zazpi eta hamabost urte bitarte dituzten dantzariak hartzen dute parte txapelketa honetan. Bi mailatan banatzen da lehiaketa, adinaren arabera. 'A' taldean hamabi eta hamabost urte bitarteko gaxtetxoek hartzen dute parte. Egin behar duten dantza 'Desafioa' izeneko izango da. Zazpi urtetik hamaikara bitarte dituztenak, 'B' mailan daude. Hauek dantzatu beharrekoa 'alpargata' dantza izango da.

Orotara hirurogei bat haur dantzari joango da Erreterira. Antolatzaileek janzkera jakin bat eskatzen die: eskumuturretan botoiz itsitako alkandora, galtza zuriak, zinta gorri-dun alpargata zuriak, txapela eta gerriko gorria. Hauxe izango da onartuko den janzkera bakarra.

Gipuzkoako hirurogei dantzari hauek, hamabost aukeratuko dira maila bakoitzean. Etzi, igandean, finala jokatuko da leku berean goizeko hamaiketarik aurrera. 'A' mailakoek hiruna dantza egin beharko dituzte: Erreberentzia edo Kontrapasa, Alpargata eta Desafioa. 'B' mailako dantzariak berriak, Erreberentzia edo Kontrapasa eta Alpargata.

ESTILOA ETA ARINTASUNA Dantzarien ekitaldiak banakoak izango dira eta antolatzaileek jarritako txistularien



Iazko zenbait saridunek ere hartuko du parte aurten.



Aurrekulari gazte baino finak.

esku egongo da doinu eta musika. Epaimahakideak antzerki munduan dabilzan sei pertsona izango dira. Partaideen dantza tankera eta estiloa puntuatzerakoan bot ezaugarri izango ditu kontutuan epaimahaiak. Batetik dantzaren jatortasuna; bigarrenez ejekuzioaren perfektotasuna. Arintasuna eta estiloa ere kontutuan hartuko dira. Azkenik erritmoaren taxutzeak ere garrantzia izango du. 15 finalistak sarituak izango dira.

Bazter guztietako dantzariak

Nondik	Zenbat
Erreteria	16
Intxaurrondo	13
Irun	10
Beasain	8
Hondarribia	6
Lezo	6
Azkoitia	4
Ordizia	4
Hernani	3
Pasaia	2
Oiartzun	1
Zarautz	1
Behobia	1

Txapeldunak, gerrikoa, txapela eta trofeo jasoko ditu. Gainontzekoek trofeo bana eskuratuko dute. Aurreko edizioetan irabazle suertatu diren batzu, aurten ere izango dira txapelketan; baita inoiz partehatu ez duen gaztetxorik ere. Gipuzkoako Foru Aldundiak eta Erreterian Udalak laguntzen dute Landare elkartearen iniziatibaz sortutako txapelketa hau. Euskal Dantzarien Biltzarrak ere ematen du laguntza.



JON Aranoren azken poema liburua aurkeztu zuen atzo Susa argitaletxeak Donostiako Bukowski tabernan, JOXEAN GOYAre argazkian ikusten den bezala. 'Malezia sorta' izeneko liburua poeta goierriararen bigarren liburua da eta Edorta Jimenez eta Koldo Izagirrek aurkeztu zuten. Egileak, argitaratu berri diren hainbat poema irakurri zituen.

MUNDUKO ANTZERKI EGUNA
Euskal Aktoreen Batasunak aurkezten du

I. JAIALDI MUNDIALA

MARTXOAK 26
GAUEKO 10,30etan



VICTORIA EUGENIA ANTZOKIAN